



# Jèkabaara



"ni jekafò ye daamu ye,  
jekabaara nyogon daamu te."



## BAGINDA FALA ROKURAYALENW LAHALAYA

### MIN BE BOKO IN KNC IN MIN

- № 2, 3, 4, Zapɔn Jamana
- № 5 Liné samiñe be cogo di Tiga
  - Cikeda mara knc
  - "RFA" ye kamiñe mersedesi 10 ni Tiga cikeda la.

- № 7, 8 Kalake dugu forodaben baganinsunw
- № 9 Baranba jirituru
- 10 Fana cikemara kungodaw labenni demenbolo.
- № 11 Reyali ye Mali kupu 29n jigi a ka palan knc.
- № 12 Tomonna dasiri saw (Tige 5nan n'a laban)

**Duguw kumakan**


# ZAPON JAMANA

Zapon ye Azi jamanaba dō ye. A dugukolo ye bameterekene 370.000 dōron de ye, k'a soro Mali jamana ye bameterekene 1.240.000 ye, nk'a mo-gō hake ye 120.000.000 de ye. (Mali mogō hake ye 7.800.000 de ye)

Zapon jamana ye Sankaso janw ni dabalidaw ani kurambamayelemafenw faso ye. Dijne nekun jamana wolon-wula dō la kelen ye Zapon jamana ye.

Zapon jamana ye dijne faantan jamanaw jigi dō ye, k'a da demen kan, a be min lase olu ma u ka jetaa sa-batili siratige la. Odemenw be ke magoneminew ni nafolomugu la. Ciakeda sigilen be Zapon jamana kono min ka baara jesinnen be o demenw taayorō segesegeli n'u dili ma. Zapon jamana faaba ye Tokijo ye.

## Mali ni Zapon Jamana ka nogondemem siran



Baginda fala rōkurayalen (sanfe ja)  
Zapon jamana mogō faamuyalenw n'u baarakēnōgon maliden (duguman ja).


Mali ni Zapon jamana ka nogondemensira ka ni kosebe. Bi-bi in na, Zapon jamana be Mali demen a ka jetaa sinsin sira bee kan. Nka, kerengerennenya la a be demen don Mali ma kosebe seneyiriwasiraw kan. Fen min be Zapon ka demen ni tow bo nogon na, o de ye ko Zapon ka demen caman ye ninna de ye jurusarako te min na ! O demen de kono, Zapon jamana be ka Baginda malosenefala rōkuraya kabini 1987 san kalo folo.

Baginda malosenefala rōkuraya ciyakeda.

Ciyakeda in fora seneyiriwabaarada fila de kō Baginda minnu tun be nogon fe yen. Olu tun ye "ōtwale" ni "Odib" ye. Ciakeda kura in min sigira "ODIB" no na Baginda, o ka baara be Baginda malosenefala de yiriwali jini na. Ciakeda in nemogoba ye Musa Kante de ye. Baarabolo daminenna 1987 san kalo folo de la ni Zapon jamana ka demen ye ka se Mali jamana ma. Baarabolo waati folo, min b'a ta 1987 san kalo folo la fo 1989 san kalo filanan, o demenna folo bennna sefawari 2.573.000.000 de ma (miliyari fila ani miliyon keme duuru ni bi wolonwula ni saba). O demen o nina de, a julu te sara.

Zapon jamana jolen be ni baarabolo in dakun folo n'a filana bee musakaw ye. O waatiw kono baara minnu be ke olu ye ninnu de ye : ji walangatali ka don falaw kono, cikemasinko sabatili, jibolisiraw boli, senefenw lakannani ani nakofenw cikeli ni cikemasin moterimaw sabatili.

# Duguw kumakan



Konibu NODA ani KOTO YAMADA Zapon jamana mogo faamuyalen fila minnu be  
Baginda malosene baarada la ladili sira fe.

Walasa baara ninnu be sira soro ka  
ne, Zapon ka baarayoro do sigilen be  
baarabolo in jemmgoso da fe Bag-  
inda. O baarakelaw file :

- Konibu Noda : Ale ye mogo  
faamuyalen ye min ka baara jesin-  
nen be laadiliw ma cikemasinw la-  
doncogo la,

- Koto Yamada, ale fana ye mogo  
faamuyalen ye masinw labencogon'u  
minenw sigi-njogon-kan la.

Mogo fila folen ninnu bee ye  
Zapenkaw ye


- Ibrehima Jara, ale ye maliden  
mogo faamuyalen ye senekemasinko  
la.

- Mamadu Ture : ale ye dalamine  
ye.

Mali joyoro ye min ye baara dakun  
fila folo ninnu na, o ye mogo  
faamuyalenw dili ye baara keli n'a  
sabatili kanma.

Baarabolo in dakun sabanan min  
baaraw jesinnen be kene tari 86  
ladonni ma, ani baarakelako ni  
jifolonw ladonni cikelaw yere fe, o  
musakaw be di Afriki yiriwa Waribon  
de fe Mali jamana ma, juru sarata  
kadara kono.

Baarabolo in kun ye dunkafa soroli  
de ye Baginda n'a lamini duguw ani



Baginda musow ka santri kono baara dow : kalali ani balikukalan.


## Duguw kumakan

Bamako n'a lamini mogow fe. Walasa cikélaw be lafaamuya kojuman; baaradege-kalanso do be na dayele min kalan be ke san ni san. O baaradege-kalanso be to sen na fo san duuru. San o san, duguw kamalen kulu do be lafaamuya soro kalanso in kono, sene siratigé la.

Balikukalan fana joyoré sigilenba dón baarabolo in kono. Karamogokuntigi min b'a jekun na, o ye Mamadi Komagaraye. Balikukalan kafokuntigi fila fana be yen minnu ye Birama Tarawele ani Ali sisoro Taraweleye, musow ka bolo sabatibaga kelen fana be yen, min ye Mariyam Kulubali ye.


An be don min na i ko bi, tile 21 kalan do kéra dugu sugandilenw karamogow kun Baginda. O tile 21 kalan do fana kéra Baginda muso 15 kun.

"Baginda musow ka kan ka fo u ka baara ce jinw na je-ka-baara ni furafeereyoré ani kalankow sinsinni




Baginda musow ka fura feere la.

siratigela la. Jina yere Baginda musow y'u joyoré Malijamana jōsannifeere la". O ye Lamini Jara de kan ye, ale min ye baarabolo in jemogo dankan goye.



Nin ye Bagin maloséñala kónona ye min labenni be sen na, walasa ka Baginda kafo maramogow ni Bamako n'a lamini mogow ka dun-ka-fa sabati, maloko siratigela.



Ibrehima JARA min ye Zapónkaw koorsigi ye Baginda baara yoro in na.

# Ninən samiñe bë cogo di tiga cikeda mara kono ?

ODIPAC cikemaraw ye Kayi, Kita ani Kolokani ye. O cikemaraw kono, 1989 san samiñe damine geleýara. Sanji ma na a waati koro la. Nka nin cikemara saba ninnu woroduguyanfan ma geleýa in döñ.

K'a ta 1989 san kalo 5n tile fölo ka na kalo 7n tile 30 la, sanji hake min nana woroduguyanfan yorow la, o kasabi benna sanji hakema ma, walima a temenna a kan.

*Kenekayanfan yorow* sanji desera. I komisiera taalan ye sanji ye, abennen be an ka senefenw lahalaya foaw ye, k'a ta kalo 5n tile fölo ka n'a bila kalo 7n tile 30 la.

Kayi cikemara la :

*Kenekayanfan* : yorow döñ senefen falenna ka bulu 3 walima 4 bo ; yorow döñ senekelaw be danni na.

*Woroduguyanfan* : sumanw falenna ka bulu 3 walima bulu 4 bo. Döñ yere ye cecili damine.

Kita cikemara la :

*Kenekayanfan fe* : senefenw falenna ka bulu 3 walima 4 bo. Nka halibi danni be sen na.

*Woroduguyanfan fe* : sumanw falenna ka bulu 3 walima 4 bo. Döñ binna cecili la. Nka halibi danni be sen na.

Kolokani cikemara la

*Kenekayanfan fe* : Dannu de be ka ke nka senefendanmadjow falenna ka bulu 3 wali bulu 4 bo.

*Woroduguyanfan fe* : sumanw falenna ka bulu 3 wali 4 bo. Nka danni be sen na.

An k'a döñ senefenw be nin lahalaya min na, o sababu bora 1989 san samiñe don waati de la. n'i sanji tun nana a waati koro la ani hake la, senefenw tun be temen nin lahalaya in kan.

An k'a döñ ko foyi ma tine fölo. Ni sanji nana ka se 1989 san kalo 10n tile 20 ma, senefenw na mo u cogo la.

## "RFA" ye kamiyon mersidessi 10 nin tiga cikeda la

- Kamiyon 10 ninnu dili kera nena je ye ODIPAC baarada la alamisadon 1989 san kalo 6n tile 10.

- Nena je in nemogoya tun be Abu So bolo n'o ye senye yiriwali minisiri korsigi do ye.

O kené in kan "RFA" lasigiden tun be yen ani Mali seneké baarada kuntigiba, ni ODIPAC kuntigiba n'a baarabolo kuntigiw bëe.

"Klaus Holderbaum" n'o ye "FRA" lasigiden ye, o fölo ka kuma ta. Ay'a jira konin donitamobili 10 in yedemen ye min kera benjogonya hukumu kono Mali ni "RFA" ce. Ninna don k'a lase "ODIPAC" baarada ma.

Abu So ka jaabi kono, a fölo lka senye yiriwali minisiriso ka nisondiya jira nin wale juman in na. O ko fe donitamobili dilen ninnu be na joyero min fa dunkafa sabatili la ani duguw don-jogon-na sira kan, a da magara o bee la.

A ye foli keréñkerénné lase "RFA" guferenama ma, Mali partit n'a guferenama togo la ani senekelaw bee togo la.



**"R.F.A." ye mun ye ?**

"RFA" ye aliman jamana do de ye.

Alima jamana ye fila yetkelen togo "RFA" walima Tilebi Alima jamana.

Kelen do togo "RDA" walima koronna Alima jamana.

"RFA" fölo fölo de ye benjogonya don a ni Mali ce kabini 1960 san na. K'a ta o tuma fo bi á ye demen caman ke Mali ye yiriwali sira caman na.

# Sumankisejiginew lahalaya koɔricikɛ yiriwada mara kono.



Koɔricikɛ yiriwada baarakelaw ni duguyiriwaton mogow

A san saba ye ninan ye, suman feere tora kenjereyew bolo Mali jamana kono. Julaw de be suman san cikelaw fe, k'a lase dugubaw kono.

Walasa ka nafaba don sumanfeere la cikelaw bolo, Mali koɔricikɛ yiriwada ye jigineko sigi sen kan duguw kono. Sumantige waati la, suman be mara jigine ninnu kono fo sumanw songo ka yelenwaati minna. Owaati la, cikelaw b'u ka sumanw feere songo numan na suguw kono. Duguw caman ye jigine numanw jo, suman be se ka mara minnu kono ka waati jan ke. 1987 san segesegeliwy'a jira kodugu camanye jigine ninnu jocogo faamuya kosebe.

Jigine ninnu jomusakaw be di sannifeere baarabolo de fe. A musakaw be bila cikelaw ka waribon (BNDA) ka bolo kan, o min be juru don duguyiriwaton na.

Ninan, Mali koɔricikɛ yiriwada ye wari bila duguw yere kono, ka ben cikelaw yere ka nininen ma, kabini kalo 11 nan tile folow la. O kekun ye dé, ka a to sumanw ladonni be teliya jigine kono. "CMDT" sɔrɔla o la k'a ka wari musakalen nini BNDA fe, o

kelen ko ka duguw kelen-kelen be tɔgɔla jurudonsebenw dila.

1988/1989 san baaraw be labenna kosebe. Dugu 718 de y'u mago don jigine joli la. U ye jigine 1087 lafa. O sannifeere kera kaba toni 1219 de kan ani jo toni 4480, ni malo kaama toni 75. O la, "BNDA" ka nafolo jurudonnen benna sefawari miliyon 309 de ma.

Sumantige waati la, ayerakobaara y'a kun bo barisa songobin ma ke. Yorɔnin kelen sumanw songoyelenna ka se duguyiriwaton sagolada ma, n'oye kilo dɔrɔmɛ 7 fo dɔrɔmɛ 8. Dugu caman ye feerebolow sigi sumanw sɔrocogo la joona, i n'a fo Zantigila dugu, Sikafo cikekafo kono, Mali ni Burkina jamana dance la. Yen duguyiriwaton ye sefawari miliyon 2 juru ta, a ye kaba kilo 4.909 san ani keninge kilo 20.819 ani malokanma kilo 30.978.

Suman songoyelenni min tun be ka makono, o kera nk'a ma caya kosebe aw'a kuntaa ma janja fanà. A sera kilo dɔrɔmɛ na fo dɔrɔmɛ 13. Nka kalo woɔronnan tile folow la, a jiginni kilo

dɔrɔmɛ 7 ni dɔrɔmɛ 10 ce. Songo jigine indɔnna kosebe CMDT baaranfanbolo de fe (san ni Tomiyan), k'a masoro, o yorɔw cikelaw be nafolo nini sumanfeere la kosebe. CMDT kejekabolofe, koɔrisenenaw magoba te sumanfeere la. Suman songo jiginni ka to dɔrɔmɛ 8 ni dɔrɔmɛ 11 ce. O gelyara kosebe duguyiriwaton ma. Olu caman yere m'u ka sumanw feere, barisa u be na bin a la.

Suman saññeefereko nena kosebe jamana fan be fe. Koro ni Bankasi maraw ye suman sɔrɔkosebe, min be se k'an ka jamana mara 5 nan ni 6 nan sumanko be labo. Julaw te na suman nini bayanfan fe. O koson, sumanw songo binna. Kalo 6 nah sa waati la, jo kilo tun ye dɔrɔmɛ 5 ye kadojamana kono. O kanma, BNDA dijena ka julu sarata latemen san kelen kan. Nka ola, fo duguyiriwaton ka suman maralen ladon konuman ka bo tijeni be ma. O la sumankise maralen be furake kosebe walasa k'a kisi nkobonw ka tijeni ma. Sumanw be feere o la, 1990 san na.

Ninan san sannifeere kalansiraw kaca.


- Dugutonw y'u ban ka sumanw feere, ka kilo songo to dɔrɔmɛ 7 ni dɔrɔmɛ 10 ce. U hakili tun be ko do bena fara o da kan samine fe. Do de dun bora a la ! N'u tun y'a feere o da la, u tun be dɔrɔmɛ 3 fo dɔrɔmɛ 4 de sɔrɔtonye kilo la. O tun be se k'u ka musakaw be ladon ; ka waribon ka tonbo ani ka wari don u yere ka kesu la. Jago la, a ma fo ko waati be, i ka tuno belebelew sɔrɔ.

dugu minnu y'e suman san cikelaw bolo, kilo dɔrɔmɛ 10 na, gelya b'olu kan, barisa u ka kan ka suman o komaseginfeere ke kilo dɔrɔmɛ 13 fo 15 de la, walasa ka musaka kelenw nɔdon ani ka BNDA ka tono ladon.

San kalo 1 n'a kalo 2nan na,

## Koɔricikɛ Yiriwada Kunnafonı

sumaww san sɔŋɔ tun yelenna ka ban ka se dɔrɔmɛ 10 fo 11 na. O la, kun tun t'a la duguyiriwatoŋw tun ka sumansan ke bilen. Cikelaw tun ka kan k'u ka suma feere da kelen na, julaw ma. N̄esigi jigine ninnu lafasumanw be san nɔtige waati de la. Ni dofara daminenɛ dɔrɔn suman sɔŋɔ kan, suman san ka kan ka dabila dugu yiriwatoŋw fe. N̄inan geleyaw ka kan de ka ke kalansen ye duguyiriwatoŋw warijenabɔbagaw bolo. A ka kan fana Mali koɔricikɛ yiriwada kaq demen don duguyiriwatoŋw ma n'u ladɔnni ye Mali yɔrɔ tɔw sumanseneko la, ani u ka suman feerekɔ.



Sumankisejigine jolen do.

## Kalake dugu forodaben baganinsunw




Kalake ye duguye min be Koɔnɔbugu koɔricikɛ yiriwabolo mara kɔnɔ.

Dunay se ko foɔl Kalake, fen min b'a ne fa kosebe foɔl, o ye baganinsunbaw ye ka dugu forow lamini. Sira minnu be taa forow la, olu bee be tunu

jirifuraw kɔnɔ. Cikela minnu taasiraw don, olu be taama jiridibi la, neema kɔnɔ. Kalake ye taamaseereta dugu ye, walaša ka faamuyali sɔrɔ forodaben jiriko la dugu kɔnɔ.

Kalake duguyiriwatoŋ min kɔgɔ




Kalake cikekafokuntigɔ

dalen don forodabenjiri ninnu labenni kan, o nemogow ye Gawusu Sila ni Mami Sila ye. Olu ka fo la, forodabenbaganinsunko insigira sen kan a kaca san 50 ye bi, saridaba ladonbagaw fe dugu kɔnɔ. Kabi o waati fo bi, cikelaw ye baganinsunko k'u ka baara ye, ka forow dabɛn n'a ye.

## Kooricike Yiriwada Kunnaфони

Gawusu y'i sinsin-a kan ko baganisun niñnu ye fijé kunbenjiri numanw ye. O bëe kó fana, u dili bëe ji basigi kosebe dugu jukoró. U bulu minnú be bin foro kóno, olu fana be toli ka foro nögödon kosebe. Fen min ye baganindenw ye, olu be bë musow fe, k'u ke tulu ni safuné ye. Nka baarada wërew ka baganinden nininta sannifeere la dugu fe o bë ka caya, walasa k'a si n'a dege soro. Baganin nininbagá be ka taa caya fe walasa k'a ke jiriforo la. Jatewy'a jira kobaganinfo tarikelen be se ka nafa don cikela kun fo ka se sefawari döröme 18.000 ma. Odunte bolokofenafolo yedu kóno! Nibaganin ye den damine, a baara fañba y'a denw boli ye.



Kalake cikékafo kuntigi n'a duguyiriwaton nemogo



Kalake forodaben baganintuw (ja filanan ni sabanan).

Lansine Siyama de ye Kalake kooricike yiriwada lamini cikébolofara nemogo ye. A b'o nemogoya in na kabini 1982 san. a ye cikelaw dusu don kosebe baganinko la ka forow dabén. Bi-bi in na, a nisondiyalen don a ka baara ka nesoro la !

Ninan, cikelaw ni Fana mara forokow nemini baarada ye baara ke nögöñ fe. U ye balan misenninw dilan minnu jibodaw labenna kosebe. Sanji naani nana olu labennen kó. U wo

gansanw minnudatun bëkememeteré 70 bë, olu bëe gerenna. Forow kóno, cikelaw ye jikunbennaw dilan ni nökalaw ani kabakalaw ye. Nin baaraw bëe de kun ye ka dugukolo bali tijeni ma.

Dugu ka baara nata dantigelen ye dugu da fe fala de kónoboli ye walasa k'a nakobaara sabati ani baganw ka minniyoro soro waati bëe. Kalake ye taamaseeredugu ye baganinko la ka fero dabén ani ka dugukolo nafafenw sabati a la. Dugu in ni mafileli ka kan dunanw fe barisa a nögon wëre te Mali Kooricike baarada ka mara bëe kóno.



Dugukolonon keleri

# BARANBA JIRITURU

Baranba ye cikəkafodugu ye, Sirakele lamini cikəbolo la Kucala cikəmara la. Baranba ni Kucala ce janya ye bametere 25 ye. 1988 san kalo 8nan na, ja keleri ni dugukolonon kubenni hukumu kono, Baranbakaw ye jiri turu.

- N'an ye kunun laje

Bee b'a don ko folo-folo jiriw tun ka ca kungo kono. Sanji tun be na ka ne, ji tun be soro kolonw kono, forow tun dalakejnenen don, mogow tun manca kuma te bagan marataw ma.

- Ka bi la je, n'o ye geleya tile ye :

Jiri tigetaw cayara, sogo fagataw cayara, kolon jalaw cayara, forow cayara, duguw cayara, mogow cayara, baganw cayara, banaw cayara, sibankongo jiidira.

- Mun na geleya tile sera ?

Sababuwa ka ca i n'a fodakonojiinw, nka an b'an sinsin jiritige de kan nin seben in kono, bawo an be jiri tige kojugu k'an mago caman dilan : forokurabo, sojo, tobili, baganbalo, fegodilan...

Nka o magow dilanni kono an be tijenilaseanyere ma, kadugukolonon juguya, ka ja basigi, k'an ka kungobolow nagasi, ka geleya jiidi.

- Feere tigetaw

N'an b'a fe ka geleyaw keleri an ka kan k'an wasa don jirituru la, walasa ka tigetaw nonabila.

Jiriw suguya ka ca cogo min u nafa fana ka bon ten :

- jiri be dugukolonon kubenn
- jiri be finge bali tijenin na.
- jiri be ke sababu ye ka dugukolo jenemaya.
- Jiri be ke sababu ye ka sanji wele.
- jiri be ke ka forokene danbo.
- jiri be turu forokene kono.
- jiri be dogo soro li nogoya.
- jiri be wari lase mogo ma.

- Baara kelenw jirituru hukumu kono

Baranba

An bee b'a don k'a foko n'i ko ibe jirituru f'i ka jiriw soro. Jiriw lamoyoro be Baranbakaw fe. U y'a laben k'a ladon, ka jiriw 800 lam a kono. Nka jiri turuta naniyalen tun ka ca ka temen sorolen kan. O la sa Baranbakaw ya jini "CMDT" k'u demen ni jiri yen do ye. O hukumu de kono "CMDT" ka baarada min sigilen don Kucala, n'a be fo o ma dugukolonon kubenni baarada, o wulila k'i jo, k'a joyoro fa, bawo a be san fila bo Baranbakaw be dugukolonon kubenni baaraw ke. "CMDT" ka baarada in bolofara ye jiriw 8000 san ji ni kungo tigiwani mogowerew ka jiriw lamoyorow la, ka tila k'u doni mobili la ka taa Baranba. Odonini sen fe mobili fila coronna bogo la wulada kelen ani su kelen. Dugu yiriwaton jemogoo ni "CMDT" ka lasigidenw ye jiriw tila cikelaw ni pogon ce, k'a pereperela-

tige ko kelen songo ye doreme 5 ye, wa a bee ma ke je-bo-n-wolo-kan ye, bari ni wari te mogo min kun a juru be don i la fo koɔri ka feere. O folenna jama bee sewara.

Jiri suguya tun ye fila ye

- sumaya jiri n'o bora Baranba jiriw lamoyoro la : ju 800.
- Mantilatomu jiri n'o bora yoro were ju 8000.

Mume : 8.800.

Cikelaw dow ye jirituru k'u ka foro lamini walasak'u ka forokene danbo, ani k'u ka foro tanga fingeaw ka tijenin ma.

Cikelaw dow ye jiriforo bo.

Ninan kolosiliw y'a jira ko jirisun 8800 min turu la, jirisun 6800 jena ; Baranba cikelaw ye lahidu tiime, bari u ye jiri songo bee sara.

An b'a jini nin baara ka ke nettafen ye dugucaman kono san nataw kono, min be se k'a to an be dugukolonon keler, kaja keler, walasa ka sinin nesigi.

*Dugukolonon kubenni baarada*

*Kucala*


*Mahamadu Lariya Sise  
Lamini Kulubali*

1989 san kalo sabanan "Jekabaara" boko kono, an tun ye wele bila "Jekabaara" kanubagaw ma, a n'a lafasabagaw k'u ka batakiw ci an ma, k'u fetaw f'an ye an "je" kunnafonisaben in kan.

Halibi, an be weleli in lakuraya. Awye sebenw ci an ma k'aw fetaw f'an ye, o de b'a to an ka kunnafoṇi seben in kono sabati, ka yiriwa ka ben an ka nafasen ma.

*Jekabaara sebenjekulu kan don ka  
se "Jekabaara" kanubagaw ma.*

# Fana cikemara kungodaw labenni demenbolo ye baara min ke san kelen kono



1988 san kalo 10n "Jekabaara" kono, an kumana kungodaw labenni demenbolo kan, min sigilen be Fana cikemara la. San kelen kono, an sera ka ji jibasigiyoro 4 dilan. O ko fe an ye balan do dilan Nɔsonbugu ani Fugadugu Nɔla (Beleko cikekafo la) walasa ka malosene yiriwa o falaw kono. An ye jibasigiyoro minnudilan, u file nin ye :

- Ncifinna (Kɔnɔbugu cikekafo la)
- Jero (Kɔnɔbugu cikekafo la)
- Naala (Marakakungo cikekafo la)
- Bakaribugu (Marakakungo cikekafo la)

An ye Nɔsonbugukaw demen k'u ka balan koro laben ka ne. Malo sene ko fe, balan in be temensirako nɔgoya kosebe.

Nin balan 6 dilalen ko fe, an ye dugukolonon kumbenni baara dɔw ke dugu werew la i n'a fo Wonikoro, Kalake, Njila ani dugu werew.

Ncifinnakaw ka jibasigiyoro kunnafoṇi dɔw file : Bee b'a dɔn ko jiko geleya ka jugu Ncifinna. Tilema fe, kolonw bee ja o la, dugu mogow y'a nini ka balan dilan walasa jiko ka nɔgoya. Balan min jora Ncifinna, a janya ye metere 78 ye, a fiye ye santimetre 50 ye, a kundanma ye santimetre 73 ye. A bee dilanna ni beton ye. Balan in baara damineṇa 1988 san kalo 12n tile 26, k'a laban 1989 san kalo naaninan tile 22. Dogokun kono baarakelaw tun be tile fila bila (alamisa ni kari). Baarakela ce seegin (8) tun be baara ke doñ o don. Balan in musaka bee benna

dɔrɔme 260.830 ma.

Ncifinnakaw ka kān ka min bo o ye d.100.496 ye. Nka Fana kubeda yiriwali jekulu be se ka wari in sara dugu mogow nɔna. Balandilancakṣda ye wari min bo o ye d. 160.334 ye. Baarakela minnu b'a baara ke olu te sara, bawo baara bee be ke dugu mogow ka ben de kono.

Kabini sanji folow minnu nana kalo 5 nan na, fo ka na bi la, sanji ma ban balan kono. Kabini kalo 5 nan na, baganw be jisɔrɔ ka min a kono. Dugu mogow y'a jira ko baara nena kosebe k'a d'a kan, u ka kolonw tun te deli ka jiba sɔrɔ samiṇe kono i n'a fo niñen ta.

Ni Ala sonna, an na kunnfoṇi werew di aw ma boko nataw kono.

# REYALI YE MALI KUPU 29n JIGI A KA NPALAN KONO

Fila sugandi bannen kalo 8n tile 3, ḡanaben cedenw dɔnna : Reyali min ye Firuni ci 4-2 ani Joliba min ye Estadi ci 1-0. Nka mogo minnu sigira ni Reyali ka ḡanaya tali ye ninen Mali ntolatan kupu la, o ka dogo kosebe.



Ni mogo min ye Reyali ni Firuni gancogo ye ḡogon na (miniti 120), ka na Estadi cedenw koroncogoye Joliba fe, i te sigi n'a ye ko Reyali de be-na Joliba ci. Nka Omnisipor batubaa korow bee y'a dɔn k'a fo "nkɔšənw" (Reyali ce farin togo) ni Karonga ka cedenw mana ci ḡogon na, mogo te sebaa dɔn ni ntola ban file ma fye.

Kalo 8nan tile 6 ḡanasuganfi in mà

kedakabana ntolatanye, w'a filebaga fana ma caya. Estadi tondenw tun dusu kasilen be u cili la, olu min nɔfejama ka ca. Mogo caman fana galabu karilen don Mali ntolatanko la, sanko kari temennen, kalo 7nan tile 30, Kodiware ye Mali senbo san were Afrika cebeni na Alzeri, 3-1.

Kabi ntola damine na, Joliba ye daga sigi Reyali da la, nka u y'a ke

kurutiné o kurutiné ye. Nkɔsow ye porokoto ko danma-danma min sɔrɔ, u ye kinni ko fila ke o la. Wuliko foł mini 41 nan na, Reyali kapitèni Adama Boker ye ntola saban n'a kun y'e Zani ka jo la. Miniti 75 nan na ntola porokotora Bilenmawka kurubenna bolo, Aruna Kulubali "Jego" y'a ci jo la. Foyi ma se ka bɔ o fila la Joliba fe. Reyali y'a ka Mali kupu 8nan yalon.

**Tulon te sebe sa**



# TOMONNA DASIRI SAW

(Tige 5nan)

An y'an balimamusow ye ; an n'u sera ka kuma ka ben kan kelen kan. Ube laben na k'an kono ; ukorotolenba don ka bo nin janeme in na. An benna kunnafoniko la.

- Hate ! A' ye wale juman latige ; a ni ce !

\* \* \*

Je jwanw ye jwan kafo ; u be kele labentannifla la. Jwanyewna, sosoliw be wusu cogo min ! Ko digen fla ka sen ka bla Donmazan ka yoro la. Kelen ka ben musow kafoyoro ma ; flanan ka ben Ntala ka so kuntlenna ma coy. Ben kera ketaw don kan. O furance kono, mugu caman susura. Namaku ni fyefye ni foronto ni kata caman fana susura ni jwanye. Nesira de ye katako fu ye, sabu, a y'a kolozi, kata mana fara namaku ni fyefye ni kelekele kan, foy man jugu donma in n'a ka saw ma o ko. Digen fla senna k'a to doonin ye. Jekulu do tora bibili kere fe kuday ka boda kolozi.

Don folen su, u ye mugu ni basimugu doni k'u ton donda ninnu na. Kelebole kelen blal'a kele-kelen be se da la. Dugutla temenen ni waati fla ye, kunkan wulila daw be se la. A kera i ko dije wulito don, fo dugukolo be jenan. Dugujukoromaa ni duguju-korofen be se fora ka wuli. Musow ye yeelen be ci, ka dibiba ke fan be se. Fen juguw girinna ka boda naani magen, fu be fyse, fo nkoronkow b'u jo u kukala kan, k'u kunkolo yeges i ko lefe.

Fofonin be to k'u pan. Donmazan golobara ka wuli ; a hawujara, fo a be kulukuluma. A tora peren na saw kun

na, u k'u teliya ka dondaw ben. Sa minnu tun dlonnen be sinsan na a yere da la, o caman taara fara netaw kan.

Tomonna kele cebalenw y'u to san fe ka yelen-yelennanjuru caman jigin musow ma dugu jukoro, dibi la. U ye juru banba san ni dugu ce, musokulu be yelenka kelen-kelen ka se san fe. Kab'o kera, digen flanan dala kelskuluye mugubogoden suuru ka jigin, ka ben Donmazan ka yoro ma coy. U ye ta bla mugu la, ka tulu blennen namajama suuru ka jigin, ka namaku ni foronto ni katamugu wuruba ka jigin, ka dogo jalan wuruba ka jigin, ka tasuma godon. Pati ! ... Boda naani dalakulu fana y'a b'o sira fe. U ka soroka fyendonwo be geren. A kera pojoni dan ye. Sisi duurula, a be kulu cogo min, ka dugu jukorola fatetete. Tomonna jnanaw tor'o la tan fo ka dugu je. U sorola ka wow be geren. Tomonnakaw tora kolozi ni doldoli la ka tle fla ke ; u ye digenw da yele, fo sisi ni kasa kunan be gufa ka bo. U y'a soroca Donmazan n'a ka fenmayelemasaw be halakira kabani. Tomonna ce n'a muso, a denmis en na maa koro, be wulira cesiri fe. Dow blala dugu kura joli la ; dow binna dugu koro senni na, k'a koro la be wuguba. U ye nafole min bo a koro, o ye haketan ye. U y'a be ce k'a ke k'u nesuma.

Tomonna ye nesuma ni heere ni dawula soroca min taara ka fo dan. U ka maaya saniyara ka sementiya ka jiidi, jiidi min ye banbali ye...

Mamadu Dukure